

近世中國
史中秘史

(編 貳 第)

近世中國秘史第二編目錄

袁督師計斬毛文龍始末

北使紀畧

風倒梧桐記

記朱一貴之亂

記和珅

(上諭附)

滿清紀事

續記咸同間用兵軼聞

一 平寇實記(檄文附)

二 金陵被圍

三 洪大全

四 陳玉標

五 張炳垣

六 楊洪內亂

七 黃開榜陳國瑞合紀

八 僞北王殺僞東王僞天王殺僞北王事略

九 周副將殉難

十 士氣

十一 客將

十二 團練

十三 壯士

十四 王曉

十五 女將

十六 訥相臨洛關之敗

十七 江忠烈公殉難廬州

十八 科爾沁郡王擒獲林鳳翔李開方

十九 張忠武公逸事

二十 李傅相軼事

廿一 威毅伯攻克金陵

廿二 李秀成被擒（陳逆會正法片附）

廿三 張洛行被擒

廿四 謝忠愍公保衛天津

廿五 駱文忠公遺愛

廿六 總兵陳國瑞驕暴取戾（會文正奏稿附）

廿七 包立身

記錢江（上太平天王洪秀全書附）

記張汝祥

記曾左交惡事

左宗棠

左宗棠字季高浙江紹興人

曾國公

廿六

曾國公與左宗棠

廿七

曾國公與左宗棠

廿八

曾國公與左宗棠

廿九

曾國公與左宗棠

三十

曾國公與左宗棠

三十一

曾國公與左宗棠

三十二

曾國公與左宗棠

三十三

曾國公與左宗棠

三十四

曾國公與左宗棠



近世中國秘史 (第二編)

捫蝨談虎客編

袁督師計斬毛文龍始末

(采荊龍逸史本)

崇禎二年己巳五月二十二日。遼東督師袁崇煥。牌仰旗鼓司。查東江官兵在清江者。給賞。隨登岸。輕騎標下各官。當有龍武右營都司金鼎卿。帶船三十八隻。接應俱列坐。觴酒。二十四日。賞東江官兵每員行糧二斗。登岸試放佛郎機大炮。遠者相去五六里。近者相去三四里。登嶺之顛。極目指畫形勢。云可議屯也。

二十五日。午時分。東北風起。自北汎江開洋。歷大王山。風轉。是夜大霧。諸船在大洋行一夜。次早收泊中島。

二十六日。齊泊雙島。

二十七日。南風極大。未開船。見本島白骨暴露。各戶口齋發立散。諸將領有登州海防左營遊擊尹繼阿叩見。蒙調兵船四十八隻到來。

二十七日。午時。風順開船。歷松木島。小黑山。大黑山。豬島。蛇島。蝦蟆島。諸處。遂泊島山。此處離旅順陸路十八里。水路四十里。旅順遊擊毛永義叩見。登島嶺。謁龍王廟。督師。

向衆將云。國初中山王開平王諸君始戰於鄱陽湖采石磯再戰於沙漠北平水戰勝馬步戰亦勝故得驅逐胡元以成一統今水營止以紅船自守豈驅騎入水戰乎本部院若復河東不以水汎草草了事且竝用之於陸地各將毋得虛冒賜各將酒飯快船稟報毛帥已到未見

至六月初一日毛帥見上下交拜毛帥親進禮帖三封小飯三桌傳入船去毛帥側坐茶叙既叙小飯面與毛帥叙云遼東海外只本部院與貴鎮二人務必同心共濟方可結局本部院應險至此欲相商爲進取計軍國大事在此一舉本部院有個良方不知患者肯服此藥否毛帥曰文龍在海外八年也有許多功績只因小人之言致錢糧缺少又無器械馬匹不曾遂得心願若一一應付要幫助成功也不爲難辭回傳免謝分付船上不便借島崖毛帥帳房待酒督師屈體推誠密語毛帥略無難色二更後方散初二日毛帥請袁督師登島相見禮畢東江將官請毛帥及各夷丁叩見討馬夷丁每名給銀一兩米一石布一疋隨上席毛帥親丁帶刀環遶袁督師叱退與毛帥密語三更方散

初三日督師差官謝酒毛帥又設席相請督師便服登島又酒叙至終方有傲狀毛帥有不悅意態酒散袁傳副將汪薰入話叙至五更方出

初四日賜東江兵三千五百七十五名賞官銀每員三五兩不等賞兵銀每名數錢

將帶來銀十萬交卸東江官。明日傳齊旗鼓。王副將行文毛帥。自後旅順東行。毛帥印信。西行督師印信。又行文傳諭。恢復鎮江旅順。俱着遵依。

初五日。傳各兵登崖。榜圍較射。領賞。毛帥見稟。問老爺於何日起身。督師云。寧遠重地。本部院來日便行。今邀貴鎮盤桓。觀兵較射。毛帥欣從。督師云。明日不能踵辭。國家海外重寄。合受本部院一拜。拜畢。隨登島山。謝參將暗傳號令。各營兵四面。榜圍毛帥。隨行。官百餘員。俱繞在圍內。其兵丁截在外。督師問東江各官姓名。俱應姓毛。毛帥云。這多是敝戶的小孫。督師云。你們那裡多姓毛。是出不得幾個這樣好漢。俱人人可用。我寧遠官有許多俸兵。有許多糧。尙然不足。飽煖念你們海外勞苦。每人只得米一斛。甚至家有幾口。俱分食此米。言念及此。情實痛酸。你們受我本部院一拜。當爲國家出力。自後不愁無餉。各官感泣叩首。再四隨行。問毛帥云。本部院節制四鎮。嚴清海禁。實恐天津登萊受心腹之患。今請設東江餉部。錢糧由寧遠送至東江。亦便與貴鎮相商。必欲解銀。自往登萊。贖買。又必移鎮定營制。分旅順東西。節制并設道核稽。國家所費。查兵馬錢糧。俱不見允。終不然只管混帳。國家費許多錢糧。要這東江何用。本部院披肝瀝膽與你說了。三日只道你回頭是岸也。還不遲。那曉得你狼子野心。總是一片欺誑。到底你日中無本部院。猶可方今聖天子英武天縱國法。豈容得你語畢。西向叩請王命。着人將毛文龍拿下。剝去衣冠。文龍尙有抗拒意。督師又責曰。你道本部院是個。

書生本部。却是一個將首。你這毛文龍欺君罔上。冒兵尅餉。屠戮遼民。殘破高麗。騷擾登萊。驅害各商。擄掠民船。變人姓名。淫人子女。這是你該死罪案。今日殺了你本部。院若不能恢復遼東。願試尙方以償你命。又宣言東江各官曰。毛文龍這樣罪惡。你們說他該殺不該殺。若本部院屈殺了他。你們就上來殺我。衆將官相對失色。叩頭哀告。文龍語塞。但云。文龍有罪。自知該死。求督師老爺開恩。督師云。你不知國法。久了若不殺你。這一塊土。非皇上所有。遂西向叩請尙方寶劍。令水營都司趙一枝。何麟圖監斬。旗牌官張國柄執著尙方劍。斬毛文龍首級於帳前。卽分付將頭付他親人。備棺木殮安葬。園外是時兵丁洶洶見我兵嚴整。勢不能犯。督師又喚東江各官來見。諭曰。本部院今日只斬毛文龍一人。以安海外兵民。還是殺人安人。你各將照舊供職。各復本姓。爲國報效。罪不及你。不必憂疑。又分付將東江兵二萬八千分爲四協。殺其父用其子。以毛承祿管一協兵。以旂鼓徐敷奏管一協兵。還有二協東江衆官保游擊劉興祚副將陳繼盛二員管之。又分付東江官兵久被毛帥剝削。將帶來銀十萬賞各島兵一員。各賞銀三兩。名爲張賞功。東江旂鼓馮有。時將見在官兵一千八百員。共賞銀五千四百兩。以昭信賞必伐之意。餘兵四協照例給賞。又諭馮旗鼓速差人往旅順宣諭。又諭將毛帥印繳來。東江事務權着陳繼盛代管。俟一協能建大功。卽將此印題授。諭畢離島登舟發牌。一面曉諭安撫各島軍民。票行登州游擊尹繼阿速備艦船二十隻候用。

又諭文龍子毛承先安撫後所欠商銀着辦償還發小帖云戶部委官陳越禮授守備督運各島糧餉又發犒賞四協札付又差官查島中冤獄并擄來客商船隻俱卽查報商人洪秀等十名訖至夜請徽州朱相公拂纓上船叙坐一更方散初六日命備酒席督師親詣文龍棺前拜祭云昨日我奉皇上命斬你是朝廷法今日祭你是本部院情遂下淚各官將俱下淚感歎

初七日登山試炮試演

初八日差中軍官往皮島取劍并符驗

初九日往旅順官軍迎接佈置畢


初十日晚開船

十一日抵寧遠是夜風大

十二日早過江進城畢

捫蝨談虎客曰袁督師天挺偉人雄才大略近世無兩其視毛文龍不過狐鼠等類曾不足以當其一指趾馭之杯酒間僅如振落而國家之大患已潛銷彼浙人狗其私情猶有爲毛極口呼冤者斯真可謂別有肺腸矣飲冰子頃爲督師傳刻意表章顯於斬毛文龍一事不甚詳今得是記補之閱者之快意爲何如哉吾嘗論以叔季衰亡之國櫻犬羊暴起之衆自有歷史以來未有能取勝者能取勝自督師始且不

徒取勝而已。實足制敵死命而無難。是中經營慘淡。殆非尋常英雄所能勝任。夫知敵所長而避之。偵敵所短而乘之。難矣。然猶非至難也。大敗之後。人無固志。胡塵乍起。望風而逃。於此而欲振作士氣。俾將卒去其畏敵之心。起其滅敵之望。甯非難中。之至難者哉。以此而論。督師殆天人不可及歟。今世而有督師。爲之執鞭所忻慕焉。近人陳子莊著庸閒齋筆記。極詆左袒毛氏之人。并言乾隆年間。紀文達公閱歷朝。檔子始知文龍曾通款我朝。文龍在明。實萬死不足惜。云嗚呼。亦足見公論之久。而愈彰矣。



北使紀畧（采荆駝逸史本）

闖寇肆虐。逼犯北京。先帝賓天。宗社淪喪。洪範世受國恩。邇年廢居海濱。驚聞異變。泣憤同仇。徒跣至鎮江。史閣部招同過江。議安將士。忽接禮部割付奉旨召對。始知爲吳三桂借虜破賊。顧大宗伯薦往北使。蒙皇上面賜召對。國事多艱。惟命所之。義不敢辭。但使命甚重。非武臣可以專任。必得文臣同往。部議兵部侍郎左懋第太僕寺卿馬紹愉皆行。以銀十萬兩金一千兩緞絹一萬疋爲酬清之儀。因以祭告祖陵。奠安先帝后冊封吳三桂爲薊國公。本鎮恐夷情甚狡。事難遙度。就中機宜。必稟廟算。乃可奉行。具疏上請。復蒙皇上召對親切。羣臣廷議僉同。七月十八日。銀幣甫齊。始得啟塗。行至瓜儀原。請借用各鎮馬騾。鮮有至者。箱鞘繁重。苦不能前。至清江浦。僱騾市馬。不足駄運。分留緞絹。從河汎舟。劉更平田淮撫各發兵二百餘名護送。十五日渡黃河。廿一日至宿遷。忽接滿使唐起龍等六人。賁來攝政王書。與本鎮事涉嫌疑。不敢遽進。當卽具疏奏聞。念已奉使在道。難以中阻。與左馬二使酌議前行。廿五日至馬蘭屯。爲沂勝之衝。時值土寇劫屯。聞本鎮至。半夜遁去。次日委標下游擊孫國柱執本鎮與左部院諭牌招撫。仍留國柱在本屯。團練鄉勇。卽有土寇千人就撫爲兵。八寨俱散。一方獲全。九月初一至望塚。貢家樓。遇土寇千人劫駄打仗。護行將士追殺數十人。寇退。箱鞘無恙。初

五日至濟寧州。清官不許近城棲宿。放炮吶喊。有欲出打夜狀。夜宿五里鋪。次晨移駐二十里鋪。以待水運。綴幣四日不至。姜參將王茂才沿河催運。自渡河來村落凋殘。巷無居人。將士裹糧露宿。濟寧以上民爲滿用。概不納兵。初九日將隨護兵將發令南回。沿途另僱土著鄉兵護行。至汶上縣。滿官總河楊方興統兵相遇。本鎮告以通好之意。彼嫚言謀國要看大勢。我國兵強如要和。好須多運漕糧來。我們好說話。只是你南官要我攝政王早收一統之業耳。本鎮對以逆闖未滅。正當南北同心降官說話。如何輕聽得。十五日晚至臨清。有舊錦衣路養性清用爲天津督撫。遣兵來迎。十八日至德州。有清官巡撫山東方大猷告示云。奉攝政王令旨。陳洪範經過地方。有司不必敬他。着自備盤費。陳洪範左懋第馬紹愉止許百人進京朝見。其餘俱留置靜海。祖澤溥所帶多人俱許入京等語。味其語意。目中已無使命。次早傳旨示之。傍有匿名一示云。我乃俯倭而循。理有正立而面。原非不令而行。何怪見賢而嫚。四語殊可駭異。疑爲地方無賴。借端中傷使臣也。及有報稱目擊誰寫貼者。惟揭示存照而已。復聞清官知州將匿名示句抄報至北京。攝政王令逆輔馮銓解說此語。乃是罵王王益滋不悅矣。至滄州。本鎮與左部院商確虜驕且嫚相見之禮。如何若執不見。當日面承召對。天語丁寧。恐無以通好。濟國事因集馬太僕梅主事各參謀共議。僉云。時勢異殊。欲濟國事不妨稍從委曲。再四躊躇未協。迨次日左部院出首輔主議。廷臣覆疏二通以示本鎮。始知。

閣議中以屈膝爲辱。命尊天朝禮。議論乃定。因悉議中以關外。馭脫與之。許歲幣。不得過十萬。覆疏中有酬恩而非款敵等語。此由閣議時第知吳三桂借兵逐寇。不知虜踞都。僭號猖獗如此。諒難受我戎索。使臣惟有不屈共矢矣。廿六日。略養性親到靜海縣。將三使臣所帶官丁止許百人進京。餘盡安置靜海古寺中。以夷官守之。養性雖奉夷旨。語言之際。似尙不忘故國。夷譯者偵知。以報攝政王怒。疑養性削職逮問。且京城內外訪察。甚嚴。有南人潛通消息者。輒執以聞。陷北諸臣咸杜門。噤舌不敢接見。南人而甘心降虜者。惟日言絕通好。殺使臣。下江南。以取容悅。山東僭踞皆王永。熬方大猷爲政。聞其屢疏極言不可和狀。嗣王永。熬爲其裨將縛之。轅門羣唾其面。爭鬪割之。足以昭降虜之報。廿九日至河西務。聞清小汗入都。擇十月初一日僭位。不便遽前。差官王廷翰主員王言。假以副將聯名帖送內院。馮銓見帖。寫侍生厲聲曰。入國問禁。何無上攝政王啓。輒敢持帖來見我。王言曰。大使奉本朝皇帝之命。致謝清朝。大使行過濟寧。已草一啓。欲先達攝政王及抵德州。見有不必敬他之說。因此中輟。今差官此來。正是問禁。馮銓語塞而厲。稍平。徐曰。不收汝帖。可即進京來見。初五日至張家灣。因貽攝政王啓。大意言爲國以禮三使奉御書禮幣而至。禮宜遣官郊迎。豈有呼之即入之禮。復草一書與內院諸臣。王言至內院。兩見洪承疇。似有不安之色。含涕欲墮。謝陸時而胡帽時而南冠。默然忸怩。馮銓則惟其所言。岸然自大。虜內院首剛陵榜什問何以不逕

進來王言告以御書不可輕褻若不差官去迎使臣寧死不敢前進初十日虜差禮部
驛官又奇庫迎至張家灣祖澤溥差原同參將辛自修二人至灣說攝政王見啓意頗
善其父祖大壽傳言少有機會無不効力暗遣人相聞三桂三桂傳言清朝法令甚嚴
恐致嫌疑不敢出見令所親來致意終身不忍一矢相加遣三桂旋西出勦賊十二日
鼓吹前導捧御書從正陽門入城使臣隨之左部院素服素帷虜將使臣及官兵人等
送至湖臚寺居住虜欲以御書送至禮部捧書者却足不敢前時已天晚因亦迎入寺
中關防甚嚴內外不許舉火俱虜傳送官丁飢寒殊苦十三日有夷官禮部數人至寺
問南來諸公有何事至我國三使應之曰我朝新天子聞貴國借兵破賊復爲先帝發
喪成服令我等賫御書銀幣前來致謝夷官云有書可付吾們應之曰御書禮宜送入
貴朝不宜輕投你部夷官云凡進貢文書俱到禮部轉啓應之曰天朝御書何得以他
國文書比夷官云說是御書吾們也不敢罷作色而去虜以謝禮爲貢以天朝御書同
於他國貢文以故御書不敢輕與十四日夷官剛陵榜什率十餘人俱夷服佩刀直登
寺堂剛陵踞椅上坐諸夷坐地右毡上通事指地左氈曰你們坐此左部院正顏曰我
們中國人不比你們坐地慣快取椅來遂取椅三與剛陵相對而坐夷通事車令即剛
陵之弟其人狡黠舌辨通夷夏語夷曰我國發兵爲你們破賊報仇江南不發一兵突
立皇帝這是何說三人曰今上乃神宗皇帝嫡孫夙有聖德先帝既喪倫序相應立之

誰曰不宜夷曰崇禎帝可有遺詔否三人曰先帝變出不測安有遺詔南都聞先帝之變會今上至淮天與人歸臣民擁戴告立於高皇帝之廟安事遺詔夷曰崇禎帝死時你南京臣子不來救援今日乃忽立新皇帝耶應之曰北京失守事出不測南北地隔三千餘里諸臣聞變整練兵馬正欲北來勦賊傳聞貴國已發兵逐賊以故不便前來恐疑與貴國爲敵特令我等來謝相約殺賊耳夷曰你們向在何處今日却來多話左曰先帝遭變時我正在上江催兵陳總兵馬太僕尙在林下夷曰汝催兵曾殺得流賊否左曰我是催兵防堵地方闖賊也未曾敢犯上江夷曰汝服孝假充是忠臣不本鎮應之曰左部院是母喪又是國服夷曰毋多言我們已發大兵下江南左曰江南尙大兵馬甚多莫便小覷了夷聞江南尙大之言覺有不悅本鎮應之曰我等原爲爾攝政王發兵破賊又爲先帝發喪成服皇帝命我等贊御書銀幣數千里遠來原是通好致謝何得以兵勢恐嚇果要用兵豈能阻你但以禮來反以兵往不是攝政王起初發兵破賊之意況江南水鄉胡騎能保其必勝乎剛陵不答徑起而出十五日內院夷官率戶部夷官來收銀幣對之曰銀幣是送你們的正該收去將銀鞘十萬金一千兩先付蟒緞二千六百疋餘緞絹尙在後運也私計吳三桂既不出拜詔則萬金可以無與虜見十萬外尙有餘鞘輒起攘奪告之曰銀一萬兩緞二千疋是賞吳三桂的既到此地你們亦收去轉付諸夷撫掌踴躍負馱而去目擊虜情狡悍事勢難爲密修寸楮令都

司車鎮遠。踰垣而出。馳報史馬二輔。早飭備禦。嗣聞西寇勢急。連日入王子領兵出彰義門。往西勦賊。過此數日。封鎖寺門。杳無消息。令人密探。聞攝政王問內院諸人。南來使臣如何處。他某王子曰。殺了他罷。攝政搖手。馮銓曰。刺了他髮。拘留在此。攝政不答。洪承疇曰。兩國相爭。不斬來使。難爲他們下次無人敢來了。攝政曰。老洪言是。遂有放回之意矣。二十日。車令送祖澤溥同來參將辛自修。姜琦等八人至寺。稱祖錦衣他父親留他不去了。同來官丁。送在這邊。同回南去。辛自修言祖錦衣十六日被虜。逼令剃頭痛哭。一日夜。自言奉命同來。事成好回南。今爲韃子。所以至死不忘國家等語。二十六日。剛陵至寺。說你們明早即行。我已遣兵押送在濟寧。就去通知你江南。我要發兵南來。三使云。奉命而來。一爲致謝貴國。一爲祭告陵寢。一爲議葬先帝。尙要往昌平祭告夷曰。我朝已替你們哭過了。祭過了。葬過了。你們哭甚麼。祭甚麼。葬甚麼。先帝在時。賊來不發兵。先帝死後。擁兵不討賊。先帝不受你們江南不忠之臣的祭。本鎮應之曰。果不容我們改葬。願留銀二千兩。煩貴國委官督理如何。夷曰。吾國儘有錢糧。不須你們已葬了。不必改葬。出僞檄一通。當堂朗讀。三使坐而聽之。隨粘寺壁。大約以不救援先帝爲罪。一擅立皇帝爲罪。二各鎮擁兵虐民爲罪。三旦夕發兵討罪等語。左曰。今上賢序俱應何爲。擅立夷曰。前已說過了。不必再言。本鎮曰。原爲講好而來。今竟講不得好。耶夷曰。來講河上可講。江上可講。隨地可講。本鎮曰。流賊在西。猖獗未滅。貴國又發